

OITAVA. VIXENCIA DO CONVENIO

Este convenio producirá efecto a partir da súa sinatura. A vixencia manterase ata a entrega das obras no prazo sinalado no documento técnico ou no que, por motivos debidamente xustificadas, poidan acordar as administracións afectadas. A ampliación dos prazos realizárase previa a correspondente solicitude a través da Comisión de Seguimento citada na cláusula cuarta.

O presente convenio obriga ao cumprimento do expresamente pactado, someténdose as partes ao acordado en todas as estipulacións.

Faise constar que o presente convenio foi aprobado polo Pleno da Corporación Provincial, o 26 de marzo de 2021.

Así o outorga no lugar e data do encabezamento, subscribindo o presente convenio por cuadruplicado exemplar.

**O DEPUTADO DELEGADO DA
DEPUTACION
PROVINCIAL DA CORUÑA**

**A ALCALDESA PRESIDENTA DO
CONCELLO DE BERGONDO**

Asdo.: José Ramón Rioboo Castro

Asdo.: Alejandra Pérez Máquez

**O SECRETARIO XERAL
DA DEPUTACIÓN PROVINCIAL DA CORUÑA**

Asdo.: José Luis Almau Supervía



**DEPUTACIÓN PROVINCIAL
A CORUÑA**

SERVIZO DE PATRIMONIO E CONTRATACIÓN



CONCELLO DE BERGONDO

Número 29/2021

CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O CONCELLO DE BERGONDO PARA LEVAR A CABO AS OBRAS DO PROXECTO CONSTRUTIVO "SENDA CICLABLE Z.E.C. ABEGONDO-CECEBRE, TRAMO 1"

A Coruña, 16 de abril do 2021

REUNIDOS

Dunha parte Don José Ramón Rioboo Castro, deputado delegado da Área de Transición Ecolóxica, Emprego e Territorio Sostible, en virtude de resolución da presidencia número 24475 de 16 de xullo de 2019, en representación da deputación.

Doutra parte Dona Alejandra Pérez Máquez, Alcaldesa Presidenta do Concello de Bergondo

Ambas as dúas partes recoñécense mutuamente na calidade en que interveñen con capacidade legal suficiente e necesaria para o outorgamento do presente convenio de colaboración e a tal efecto

EXPOÑEN

O Pleno da Deputación Provincial da Coruña, en sesión ordinaria celebrada o vinte e sete de outubro de dous mil dezasete, tomou coñecemento e ratificou a Resolución da súa Presidencia núm. 32005/2017, do 16 de outubro, en cuxa virtude se aprobaba o Plan de Mobilidade Ciclista da Provincia da Coruña e acordaba solicitar financiamento do FEDER no marco da convocatoria aprobada por Real Decreto 616/2017, do 16 de xuño, do Ministerio de Enerxía, Turismo e Axenda Dixital (BOE núm. 144, do 17.06.2017), pola que se regula a concesión directa de subvencións a proxectos singulares de entidades locais que favorezan o paso a unha economía baixa en carbono, no marco do Programa Operativo de Crecemento Sustentable 2014-2020, para as propostas de actuación que nesta resolución se detallan, entre as que se atopa a de:

DENOMINACIÓN PROXECTO	CUSTE ELIXIBLE	ACHEGA FEDER (80 %)	ACHEGA DEPUTACIÓN (20 %)
SENDA CICLABLE Z.E.C. ABEGONDO-CECEBRE, TRAMO 1	837.091,61 €	669.673,29 €	167.418,32 €

Mediante Resolución do Director Xeral do Instituto para a Diversificación e Aforro da Enerxía (IDAE) acordouse conceder á DEPUTACIÓN PROVINCIAL DA CORUÑA a axuda que se indica, ao amparo e de conformidade co establecido no Real Decreto 616/2017, do 16 de xuño, polo que se regula a concesión directa de subvencións a proxectos singulares de entidades locais que favorezan o paso a unha economía baixa en carbono no marco do Programa Operativo FEDER de crecemento sustentable 2014-2020 (B.O.E. nº 144, do 17 de xuño de 2017), modificado polo Real Decreto 1516/2018, do 28 de decembro e o Real Decreto 316/2019, do 26 de abril, para levar a cabo o proxecto coas actuacións descritas anteriormente, nos seguintes termos e condicións aplicables:

NÚMERO PROXECTO	DENOMINACIÓN PROXECTO	CONCELLO	OBXECTIVO ESPECÍFICO / MEDIDA	INVERSIÓN ELIXIBLE	AXUDA A OUTORGAR (cofinancia-)
------------------------	------------------------------	-----------------	--------------------------------------	---------------------------	---------------------------------------

IDAE				ADMITIDA	ción FEDER)
FEDER-EELL-2019-000718	SENDA CICLABLE Z.E.C. ABEGONDO-CECEBRE, TRAMO 1	BERGONDO	OE 451 Medida 08	837.091,60 €	669.673,29 €

Concluída a redacción do proxecto pola Deputación Provincial da Coruña, no que se recolle o detalle das obras necesarias para a súa realización, así como o orzamento final, que ascende a 810.428,04 €, IVE incluído, éste foi aprobado por Resolución núm. 1465/2020, do 23 de decembro, da Alcaldía do Concello de Bergondo.

Visto o anterior considérase procedente a subscripción dun convenio de colaboración para a “encomenda de xestión” entre o Concello de Bergondo e a Deputación da Coruña para a execución das obras do proxecto construtivo “SENDA CICLABLE Z.E.C. ABEGONDO-CECEBRE, TRAMO 1”, que afectan ao término municipal do Concello de Bergondo.

En consecuencia, considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración entre ambas as dúas administracións. Para o fin mencionado, formalízase o presente convenio entre a Deputación da Coruña e o Concello de Bergondo con suxeición as seguintes cláusulas.

CLÁUSULAS

PRIMEIRA. OBXECTO

1. O obxecto do presente convenio é regular a encomenda de xestión por parte do Concello de Bergondo a favor da Deputación da Coruña para a realización das obras recollidas no proxecto que se indica no seguinte cadro, que afectan a esta área municipal, documento que contén de xeito fidedigno a proposta técnica e orzamentaria correspondente para a súa realización práctica, e cuxo orzamento final, IVE incluído, ascende ao seguinte importe:

NÚMERO PROXECTO IDAE	DENOMINACIÓN PROXECTO	ORZAMENTO
FEDER-EELL-2019-000718	SENDA CICLABLE Z.E.C. ABEGONDO-CECEBRE, TRAMO 1	810.428,04 €

2. O prazo de execución dos traballos é de diez (10) meses para os tramos que recollen as obras previstas no proxecto de referencia e que afectan ao termo municipal de Bergondo, segundo as cláusulas e condicións recollidas nos seguintes puntos.

SEGUNDA. COMPROMISOS DO CONCELLO DE BERGONDO

En virtude da sinatura do presente convenio o Concello de Bergondo, obrígase dentro do seu termo municipal a:

1. Como trámite previo á licitación das obras, presentar unha certificación xustificativa da efectiva dispoñibilidade dos terreos necesarios, libres de cargas e gravames e co réxime urbanístico axeitado, para a execución das obras as que se refiren as actuacións descritas no proxecto construtivo “SENDA CICLABLE Z.E.C. ABEGONDO-CECEBRE, TRAMO 1” e que afectan a esta área municipal, así como a reposición de servizos e servidumes afectados.

2. Facilitar a realización das obras correspondentes ao proxecto “SENDA CICLABLE Z.E.C. ABEGONDO-CECEBRE, TRAMO 1”.

3. Unha vez realizadas as obras pola Deputación Provincial da Coruña e coa asistencia do persoal designado polo Concello de Bergondo, procederase a formalizar a acta de entrega á entidade municipal das obras realizadas, asumindo éste a súa explotación, mantemento e conservación como titular destas, ou se fose o caso por parte dos entes titulares afectados no ámbito territorial do Concello de Bergondo.

TERCEIRA. COMPROMISOS DA DEPUTACIÓN PROVINCIAL DA CORUÑA

1. Executar o proxecto construtivo “SENDA CICLABLE Z.E.C. ABEGONDO-CECEBRE, TRAMO 1”, ao que se refire o presente convenio, que recolle de xeito fidedigno as directrices técnicas establecidas no Plan de Mobilidade Ciclista da Provincia da Coruña.

2. Aplicar o financiamento das obras recollidas no proxecto construtivo referido no apartado anterior, que se executarán no termo municipal de Bergondo, conforme aos planos e resto de documentación técnica do mesmo.

3. Levar a cabo as actuacións de contratación, execución e dirección das obras descritas no proxecto e formalizar os actos de recepción das mesmas.

4. Comunicar ao Concello de Bergondo a data e hora para o acto de recepción das obras pola Deputación Provincial da Coruña, ao cal deberá asistir o representante designado polo Concello de Bergondo, xunto co técnico competente que determine. Unha vez formalizada a recepción, procederase a continuación a facer a acta de entrega das obras realizadas ao Concello de Bergondo, ou se fora o caso a aqueles entes titulares afectados no ámbito territorial municipal, sen prexuízo das responsabilidades que correspondan ao contratista derivadas do contrato de obra.

CUARTA. COMISIÓN DE SEGUIMIENTO

1. Constituirase unha comisión de seguimento formada por un representante do Concello de Bergondo e outro representante da Deputación Provincial da Coruña. As súas funcións, entre outras, serán as seguintes:

Impulsar, avaliar e vixiar o cumprimento do presente convenio naqueles aspectos técnicos obxecto deste, proponendo as actuacións que se consideren precisas.

Interpretar, nos casos de dúbida, o contido do presente convenio.

Resolver as posibles controversias que puideran xurdir na aplicación do convenio.

2. Esta comisión reunirse as veces que se estimen oportunas para o cumprimento do presente convenio. En todo caso, a solución das incidencias estará condicionada polas limitacións orzamentarias indicadas na cláusula terceira.

QUINTA. NATUREZA E RÉXIME XURÍDICO DO CONVENIO

Este convenio ten natureza administrativa e será de aplicación o Decreto 246/92, do 30 de xullo, polo que se regulan as condicións de execución das obras públicas en réxime de cooperación coas corporacións locais e outros entes de dereito público, rixindo na súa interpretación e desenvolvemento o ordenamento xurídico administrativo, en especial a Lei 40/2015, do 1 de outubro, de Réxime xurídico do sector público con expresa submisión das partes á xurisdición contencioso-administrativa.

O desenvolvemento dos compromisos, obrigas e demais actuacións contidas no presente convenio rixiranse polo establecido nas cláusulas do mesmo.

SEXTA. INTERPRETACIÓN E INCUMPRIMENTOS

1. As dúbidas que se presenten na súa interpretación, no caso de discrepancias serán resoltas polo Presidente da Deputación da Coruña, visto o informe da Comisión de Seguimento, poñendo así fin á vía administrativa.

2. No caso de controversias xurdidas durante a execución do presente convenio, que non puidesen ser resoltas pola comisión de seguimento, serán da competencia da xurisdición contencioso-administrativa a súa resolución.

3. Serán causas de extinción deste convenio;

- O non cumprimento do seu obxecto.
- A inviabilidade na realización das actuacións descritas neste convenio, por causas non imputables ás partes.
- O incumplimento de carácter total ou parcial de calquera das cláusulas do presente convenio. Entenderase por incumplimento parcial aquel que implica en maior ou menor grao a non consecución dos fins propios do convenio ou impidan de xeito directo ou indirecto as actuacións previstas no presente convenio.
- Denuncia por causas de interese público ou a instancia de calquera das partes.

4. Cada unha das situacións descritas no apartado anterior, por sí soa, será causa suficiente de rescisión do convenio.

SÉTIMA. PUBLICIDADE

O convenio de Encomenda de Xestión será obxecto de publicidade de conformidade co disposto na Lei 19/2013 de 9 de decembro, de transparencia, acceso a información pública e bo Goberno, e no artigo 11.3 b) da Lei 40/2015 de 1 de outubro, de Réxime xurídico do sector público.

Neste senso, as partes prestan expresamente o seu consentimento para que se lle de ao presente convenio a publicidade esixida.